

PEKELILING JABATAN PENDAFTAR



RUJUKAN KAMI : UniMAP.PEND/102/PPK/1

TARIKH : 12 OGOS 2013

PEKELILING JABATAN PENDAFTAR BILANGAN 6 TAHUN 2013

SKIM PENERIMAAN CALON UNTUK PENGAJIAN PASCA KEDOKTORAN UniMAP (BUKAN STAF UniMAP)

1.0 TUJUAN

1.1 Pekeliling bertujuan untuk memaklumkan akan Skim Penerimaan Calon Untuk Pengajian Pasca Kedoktoran UniMAP (Bukan Staf UniMAP) di UniMAP.

2.0 LATAR BELAKANG

Nama skim ialah skim penerimaan calon untuk Pengajian Pasca Kedoktoran di UniMAP.

3.0 MATLAMAT DAN SYARAT KELAYAKAN

Skim ini bertujuan memberi peluang kepada calon luar atau Pensyarah yang telah menamatkan cuti belajar dan lulus Ijazah Kedoktoran untuk menjalankan aktiviti-aktiviti akademik lanjutan seperti pengajaran, penyelidikan, penulisan, penerbitan dan perundingan berhubung dengan bidang pengajian di UniMAP.

3.1 Syarat Kelayakan

Semua calon yang memenuhi syarat berikut adalah layak dipertimbangkan:

- a) Telah lulus/memperolehi Ijazah Kedoktoran dalam tempoh tidak melebihi 12 bulan daripada tarikh permohonan
- b) Diperakukan oleh penyelia di UniMAP dan Ketua Jabatan tempat calon akan ditempatkan.
- c) Disokong oleh penyelia PhD calon.
- d) Umur tidak melebihi 45 tahun pada tarikh permohonan diluluskan.
- e) Mencapai syarat Bahasa Inggeris iaitu skor 600 untuk TOEFL atau skor 6.5 bagi IELTS kepada mana- mana calon yang mana tesis PhD beliau selain daripada Bahasa Inggeris.
- f) Mempunyai pengalaman di dalam penyelidikan dan telah menerbitkan jurnal sama ada di peringkat kebangsaan ataupun antarabangsa.

3.2 Tanggungjawab dan Tugas Calon

- a) Aktiviti akademik yang perlu dilaksanakan oleh calon adalah:
 - Penyelidikan dan pengkormesilan
 - Penulisan dan penerbitan
 - Perundingan
 - Pengajaran
- b) Aktiviti akademik yang dihasilkan mestilah berimpak tinggi yang merangkumi garis panduan dan syarat – syarat dan kriteria seperti berikut:
 - i. Penerbitan di dalam jurnal berimpak tinggi sebanyak 2 jurnal
 - ii. menerbitkan jurnal terindeks dalam Scopus sebanyak 2 jurnal

- c) Calon perlu mengemukakan laporan tentang aktiviti/ program yang diikuti setiap 6 (enam) bulan kepada Ketua Jabatan tempat calon akan ditempatkan dan sesalinan kepada pihak UCB.
- d) Calon dikehendaki membantu Penyelia di dalam kelas pengajaran atau tutorial melebihi 4 jam dalam seminggu sekiranya perlu.
- e) Manakala calon juga dikehendaki mengemukakan laporan akhir lengkap tentang aktiviti/program yang diikuti dalam tempoh 30 hari setelah menamatkan program tersebut kepada Ketua Jabatan tempat calon akan ditempatkan dan sesalinan kepada pihak UCB.
- f) Semua aktiviti/ laporan yang merangkumi penulisan, penerbitan, dapatan penyelidikan atau jumpaan teori/hasil baru adalah hakcipta UniMAP.
- g) Penulisan laporan akhir hendaklah mengikut format berikut dan dikemukakan melalui Ketua Jabatan tempat calon berdaftar:
 - i) Ringkasan Eksekutif
 - ii) Pengenalan
 - iii) Aktiviti
 - iv) Hasil
 - v) Manfaat kepada pembangunan.
Akademik/kolej/universiti
 - vi) Jalinan kerjasama yang diperolehi

3.3 Tempoh Program Pasca Kedoktoran

- a) Tempoh Program Pasca Kedoktoran adalah tidak melebihi 12 bulan.
- b) Perlantikan dibuat dalam setiap enam bulan sepanjang tempoh setahun dan jika prestasi kurang memberangsangkan selepas penilaian enam bulan pertama, kontrak tidak akan disambung.
- c) Notis 30 hari diperlukan atau 1 bulan kos elaun dibayar akan dikenakan terhadap calon sekiranya melanggar kontrak.

3.4 Kemudahan, Elaun dan Pengiktirafan

- a) Calon boleh mendapat tajaan luar bagi menampung semua kos sara hidup sepanjang tempoh Program Pasca Kedoktoran.
- b) Bagi calon- calon yang tiada penajaan, elaun seperti berikut boleh dipertimbangkan:
 - i. Skim Bantuan Sara Hidup sebanyak RM 5,000.00 sebulan ditawarkan juga kepada calon yang layak. Borang permohonan lengkap yang diisi dan diserahkan untuk pertimbangan dan kelulusan.
- c) Calon akan ditindik/diganding dengan seorang pakar bidang/disiplin seajar dengan kepakaran calon.
- d) Kemudahan untuk menggunakan fasiliti dan logistik di UniMAP seperti makmal penyelidikan, perpustakaan, kafeteria dan kemudahan sukan.
- e) Urusan rawatan dan lain – lain adalah di bawah tanggungjawab calon sendiri.
- f) Di dalam tempoh program pasca kedoktoran calon akan dipertimbangkan untuk dilanjutkan program sehingga maksima 2 tahun dengan calon mengemukakan permohonan dan justifikasi bagi perkara tersebut.

4.0 PERMOHONAN

- a) Permohonan hendaklah dikemukakan kepada Jawatankuasa Unit Cuti Belajar untuk pemprosesan kelulusan dengan mengisi borang UniMAP.PEND/102/UCB023
- b) Had kuota setahun adalah 5 orang sahaja.

5.0 IKATAN PERJANJIAN

- a) Semua aktiviti/ laporan yang merangkumi penulisan, penerbitan, dapatan penyelidikan atau jumpaan teori/hasil baru adalah hakcipta UniMAP.
- b) Memegang sebarang jawatan di luar UniMAP adalah tidak dibenarkan.
- c) Calon perlu ditemuduga dan menandatangani Memorandum Perjanjian yang akan dikemukakan kepada calon.

6.0 AM

- a) Sepanjang tempoh program Pasca Kedoktoran semua calon dari luar negara adalah tertakluk kepada peraturan dan undang- undang Imigresen Malaysia manakala bagi calon dalam negara adalah tertakluk kepada Akta 605 dan Akta Badan Berkanun (Tatatertib & Surcaj).
- b) Universiti berhak menamatkan program Pasca Kedoktoran, mengikut had-had perjanjian, desakan perkhidmatan, implikasi kewangan dan kepentingan universiti.
- c) Autoriti untuk memilih dan memperakukan calon skim ini dicadangkan panel penilai seperti berikut:
 - i. Naib Canselor
 - ii. Timbalan Naib Canselor (Akademik & Antarabangsa)
 - iii. Ketua Jabatan yang calon akan ditempatkan
 - iv. Pendaftar
 - v. UCB

7.0 TARIKH KUATKUASA

Surat Pekeliling Pendaftar ini berkuatkuasa dari tarikh Surat Pekeliling Pendaftar

Bil. 5 Tahun 2013 dikeluarkan.

Sekian, terima kasih.

"BERKHIDMAT UNTUK NEGARA"

'Amalan Bertindak, Hasil Berimpak'

Saya yang menurut perintah,



(ZUBER BIN HAJI MOHAMAD)

Timbalan Pendaftar

s.k Naib Canselor

Semua Timbalan Naib Canselor

Bendahari

Semua Ketua Jabatan/Dekan